

Manne váldá mánáidsuodjalus oktavuoda dudnuin?

Mii áigut veahkehit dudno

Mánáidsuodjalusa deháleamos bargu lea váruhit ahte mánáin lea oadjebas ja buorre dilli go bajásšaddet Norggas. Dan dahkat mii vuosttažettiin dan bokte go veahkehit bearraša. Mii váldit oktavuoda dudnuin dan geažil go muhtimat vuorjašuvvet ahte lea go dudno mánás/mánáin buorre dilli. Danne leat sii dieđihan midjiide. Dál mii háliidit deaivvadiit dudnuin gulaskuddat movt dudnos lea, ja maid doai jurddašeahppi vuorjašumi dieđáhusa birra maid mii leat ožžon. Jus lea mihkkege masa dárbbášeahppi veahki, de leat mis mángga ieš guđetlágan veahkkefálaldagat mat sáhttet leat ávkkálaččat bearrašii.

Lea áibbas dábálaš jierásmuvvat go mii mánáidsuodjalusbálvalusas váldit oktavuoda. Diehtti fal ahte lea maid dábálaš ahte vánhemat bohtet min lusa ja bivdet ieža veahki, dahje máná/mánát ieža váldet oktavuoda. Go muhtin váldá oktavuoda mánáidsuodjalusbálvalusain, de lea dan dihte ahte máná/mánát ja sin bearaš galget oažžut doarjaga.

Muhtin háviid gávnnahit mii ahte ii leat mihkkege maid vuorjašuvvat, ja de biddjo ášši eret.

Mainna sáhtá mánáidsuodjalusbálvalus veahkehit dudno?

Mánáidsuodjalusbálvalus sáhtá veahkehit mángga láhkái, ja mii háliidit olahit juoidá ovttas din bearrašii. Dábáleamos lea ahte mii veahkehit bearraša oanehet dahje guhkit áiggi, dávjá mángga vuogi mielde oktanaga. Mii addit dávjá ráđi ja bagadallama vánhemiidda, ja bargat ovttas skuvllain, mánáidgárddiin, NAVain, fástadoaktáriin ja earáiguin veahkehit dudno.

Eará vuogit movt mii sáhttit doarjut dudno, sáhtá leat veahkehit dudno oažžut mánáidgárdesaji, guossástallanruovttu dahje eará doarjaga máná/mánáide.



Makkár vuoigatvuođat leat dudnos?

Dudnos leat mánnga vuoigatvuođa go deaivvadeahppi mánáidsuodjalusain, ja doai oažžubeahtti eanet dieđuid daid birra go deaivabeahtti min. Muhtin vuoigatvuođat leat dá:

- Dudnos lea vuoigatvuohta dulkii go deaivabeahtti mánásuodjalusbálvalusa. Dieđiheahppi midjiide jus dudnos lea dárbu dulkii.
- Dudnos lea vuoigatvuohta váldit fárrui olbmo geasa luohhtibeahtti go deaivvadeahppi mánáidsuodjalusbálvalusain. Diet guoská sihke vanhemiidda ja mánnái/mánáide.
- Dudnos lea vuoigatvuohta oažžut buori dieđuid áššái.
- Dudnos lea vuoigatvuohta váikkuhit iežade áššiide.



Makkár geatnegasvuođat leat mánáidsuodjalusbálvalusas?

Buot Norgga suohkaniin galgá leat mánáidsuodjalusbálvalus.

- [Mánáidsuodjalusláhka](#) galgá leat vuodđun buot bargguin.
- Go mii mánáidsuodjalusbálvalusas oažžut vuorjašuvvandieđáhusa, de lea mis geatnegasvuohta árvvoštallat galgat go mii geahččat ášši lagabut. Jus mii gávnnaht ahte mii galgat iskat movt mánás/mánáin lea dilli, hállat mii muhtimiiguin geain lea oktavuoha mánáin/mánáiguin vai mii gávnnaht dárbaša go mánná/mánát ja bearaš veahki.
- Mánáidsuodjalusbálvalus galgá bargat ovttas eará veahkkefálaldagaiguin jus dat addá buoret fálaldaga mánnái ja bearašii.
- Mánáidsuodjalusbálvalus galgá váldit vuhtii bearaša kultuvrra, čearddalašvuođa, oskku ja giela.
- Mánáidsuodjalusbálvalus galgá bearráigeahččat ahte mánná/mánát ja bearaš ožžot buriid dieđuid ja vejolašvuođa mitalit maid sii oaivvildit.

Mánáidsuodjalus sáhtta veahkehit máná/mánáid ja bearaša jus mánás/mánáin dahje bearašis lea váttis dilli. Jus don háliidat eanet dieđuid mánáidsuodjalusa birra, geahč bufdir.no/barnevern.